

窮怪錄
飛燕遺事
隋遺錄

趙飛燕外傳
漢雜事祕辛



趙飛燕外傳

伶玄著

中華書局

趙飛燕外傳

叢書集成初編所選
陽山顧氏文房龍威
祕書漢魏叢書皆收
有此書龍威作飛燕
外傳陽山顧氏在前
故據以影印書名也
从之

趙飛燕外傳

漢江東都尉伶玄撰

趙后飛燕父馮萬金祖大力工理樂器事江都王協律舍人萬金不肯傳家業編習樂聲亡黃曲任爲繁手哀聲自號凡靡之樂聞者心動焉江都王孫女姑蘇主嫁江都中尉趙曼曼幸萬金食不同器不飽萬金得通趙主主有娠曼性暴妬且早有私病不近婦人主恐稱疾居王宮一產二女歸之萬金長曰宜主次曰合德然皆冒姓趙宜主幼聰悟家有彭祖方脈之書善行

氣術長而纖便輕細舉止翩然人謂之飛燕台
德膏滑出浴不濡善音辭輕緩可聽二人皆出
世色萬金死馮氏家敗飛燕妹弟流轉至長安
於時人稱趙主子或云曼之他子與陽阿主家
今趙臨共里巷託附臨曼為組文刺繡獻臨臨
愧受之居臨家稱臨女臨常有女事官省被病
歸死飛燕或稱死者飛燕妹弟事陽阿主家為
舍直常竊效歌舞積思精切聽至終日不得食
侍直貲服䟽苦財且顓事膏沐澡粉其貲亡所
愛共直者指為愚人飛燕通隣羽林射鳥者飛

無貧與合德共被夜雪期射鳥者於舍旁飛燕
露立閉息順氣體溫舒亡疹栗射鳥者異之以
為神仙飛燕緣主家大人得入宮召幸其姊妹
樊嬃於計為丞光司帶者故識飛燕與射鳥地
事為之寒心及幸飛燕瞑目牢握涕交頤下戰
栗不迎帝帝擁飛燕三夕不能按畧無譴意宮
中素幸者從容問帝帝曰豈若有餘柔若無骨
遷延譙畏若遠若近禮義人也寧與女曹婢脅
肩者比邪既幸流丹浹藉嬃私語飛燕曰射鳥
者不近女邪飛燕曰吾內視三日肉肌盈實矣

帝體洪壯創我甚焉飛燕自此特幸後官歸趙
皇后帝居鸞養殿使房省帝簿嬪上簿嬪因進
言飛燕有女弟合德美容體性醇粹可信不與
飛燕比帝即令舍人呂延福以百寶鳳毛步輦
迎合德合德謝曰非貴人姊召不敢行願斬首
以報宮中延福還奏嬪為帝取后五采組文手
藉為符以召合德合德新沐膏九回沈水香為
卷髮號新髻為薄眉號遠山黛施小朱號慵來
粧衣故短繡裙小袖李文襪帝御雲光殿帳使
樊嬪進合德合德謝曰貴人姊虐妬不難滅恩

受耻不愛死非姦教願以身易耻不望旋踵音
詞舒開清切左右嗟賞之嘖嘖帝乃歸合德宣
帝時披香博士淳方成白髮教授宮中號淳夫
人在帝后唾曰此禍水也滅火必矣帝用樊嬖
計為后別開遠條館賜紫茸雲氣帳文王几赤
金九層博山緣合嬖諷后曰上久亡子官中不
思千萬歲計邪何不時進上求有子后德嬖計
是夜進合德帝大悅以輔屬体無所不靡謂為
溫柔鄉謂嬖曰吾老是鄉矣不能效武皇帝求
白雲鄉也嬖呼萬歲賀曰陛下真得仙者上立

賜嫔較文萬金錦二十四疋合德尤幸號為趙
婕妤婕妤好事后常為兒拜后與婕妤坐后誤唾
婕妤懷婕妤曰姊唾染人紺褰正似石上華假
令尚方為之未必能若此衣之華以為石華廣
袖后在遠條館多通侍郎宮奴多子者婕妤傾
心翊護常謂帝曰姊性剛或為人構陷則趙氏
無種矣每泣下悽惻以故白后薨狀者帝輒殺
之侍郎宮奴鮮綉蘊香恣縱棲息遠條館無敢
言者后終無子后浴五蘊七香湯踞通香沉水
坐燎降神百蘊香婕妤好浴茝菰湯傳露華百英

粉帝嘗私語樊嬖曰后雖有異香不若婕妤體
自香也江都易王故姬李陽華其姑為馮大力
妻陽華老歸馮氏后姊弟毋事陽華陽華善貴
飾常教后九迴沉水香澤雄麝膺內息肌丸
婕妤亦內息肌丸常試若為婦者月事益薄他
日
后言於承光司劑者上官嫵嫵膺曰若如是安
能有子乎教后煮美苾滌之終不能驗真臘夷
獻萬年蛤不夜珠光彩皆若月照人亡妍醜皆
美艷帝以蛤賜后以珠賜婕妤后以蛤粧五成
金霞帳帳中常若滿月久之帝謂婕妤曰吾晝

視后不若夜眎之美每旦令人忽忽如失婕妤
聞之即以珠號為枕前不夜珠為后壽終不為
后道帝言始加大號婕妤奏書於后曰天地交
暢貴人姊及此令吉光登正位為先人休不堪
喜豫謹奏上二十六物以賀金屑組文茵一鋪
沉水香蓮心枕一面五色同心大結一盤鴛央
萬金錦一疋琉璃屏風一張枕前不夜珠一枚
含香綠毛狸藉一鋪通香虎皮檀象一座龍香
握魚二首獨搖寶蓮一鋪七出菱花鏡一奩精
金瓠環四指若亡絳綃單衣一襲香文羅手藉

三幅七曲光雄彤髮澤一益紫金被褥香爐三
枚文犀辟毒箸二雙碧玉膏奩一合使侍兒郭
語瓊拜上后報以雲錦五色帳沉水香玉壺婕
妤泣怨帝曰非姊賜我死不知此器帝謝之詔
益州留三年輸為婕妤作七成錦帳以沉水香
飾婕妤接帝於太液池作千人舟號合宮之舟
池中起為瀛洲榭高四十尺帝御流波文縠無
縫衫后衣南越所貢雲英紫裙碧瓊輕綃廣榭
上后歌舞歸風送遠之曲帝以文犀簪擊玉甌
令后所愛侍郎馮無方吹笙以倚后歌中流歌

酣風大起后順風揚音無方長喻細嬈與相屬
后裙髀曰顧我顧我后揚袖曰仙乎仙乎去故
而就新寧忘懷乎帝曰無方為我持后無方捨
吹持后履久之風霽后泣曰帝恩我使我仙去
不待悵然曼嘯泣數行下帝益愧愛后賜無方
千萬入后房聞他日官姝幸者或褰裙為綰號
曰留仙裙婕妤好益貴幸號昭儀求近遠條館帝
作少嬈館為露華殿含風殿博昌殿求安殿皆
為前殿後殿又為溫室凝缸室浴蘭室曲房連
檻飾黃金白玉以璧為表裏千變萬狀連遠條

館歸通仙門后貴寵益恩放蕩使人博求術士
求匪安却老之方時西南北波夷致貢其使者
舉茹一飯晝夜不卧偃典屬國上其狀屢有光
怪后聞之問何如術夷人曰吾術天地平生死
齊出入有無變化萬象而卒不化后令樊嫔弟
子不周遺千金夷人曰學吾術者要不淫與謾
言后遂不報他日樊嫔侍后浴語甚謹后為樊
嫔道夷言嫔抵掌笑曰憶在江都時陽華李姑
畜聞鴨水池上苦懶齧鴨時下朱里芮姥者求
捕獬狸獻姥謂姑曰是狸不他食當飯以鴨姑

怒絞其狸今夷術真似此也后大笑曰臭夷何足汗吾絞乎后所通宮奴燕赤鳳者雄捷能超觀閣燕通昭儀赤鳳始出少嬪館后適來幸時十月五日宮中故事上靈安廟是日吹埙擊鼓歌連臂踏地歌赤鳳來曲后謂昭儀曰赤鳳為誰來昭儀曰赤鳳自為姊來寧為他人乎后怒以杯抵昭儀詔曰鼠子能嚙人乎昭儀曰穿其衣見其衽足矣安在嚙人乎昭儀素卑事后不虞見咎之暴執視不復言樊姬脫簪叩頭出血昭儀為拜后昭儀拜乃泣曰姊寧忘共被夜

長苦寒不成寐使合德雍姊背邪今日垂得貴
皆勝人且無外搏我姊弟其忍內相搏乎后亦
泣持昭儀手抽紫玉九鵠釵為昭儀簪髻乃罷
帝微聞其事畏后不敢問以問昭儀昭儀曰后
妬我尔以漢家火德故以帝為赤龍鳳帝信之
大悅帝嘗蚤獵觸雪得疾陰緩弱不能壯發每
持昭儀足不勝至欲輒暴起昭儀常轉側帝不
能長持其足樊嬖謂昭儀曰上餌方士大丹求
盛大不能得得貴人足一持暢動此天與貴妃
大福寧轉側俾帝就邪昭儀曰幸轉側不就尚

能留帝欲亦如姊教帝持則獸去矣安能復動
乎后驕逸體微病輒不自飲食須帝持匕箸藥
有苦口者非帝為含吐不下咽昭儀夜入浴蘭
室膚体光發占燈燭帝從幃中竊望之侍兒以
白昭儀昭儀覽巾使徹燭他日帝約賜侍兒黃
金使無得言私婢不豫約中出幃值帝即入白
昭儀昭儀遽隱辟自是帝從蘭室幃中窺昭儀
多袖金逢侍兒私婢輒牽止賜之侍兒貪帝金
一出入不絕帝使夜從帑益至百餘金帝病
緩弱大醫萬方不能救求奇藥嘗得春卹膠遺